



I. DEPUTACIÓN PROVINCIAL DE OURENSE

DEPUTACIÓN PROVINCIAL DE OURENSE

APROBACIÓN DEFINITIVA DA MODIFICACIÓN DA ORDENANZA FISCAL REGULADORA DA TAXA PROVINCIAL POLA PRESTACIÓN DO SERVIZO INTERMUNICIPAL DELEGADO DE RECOLLIDA, TRANSPORTE E TRATAMENTO DE RESIDUOS DE COMPETENCIA LOCAL

O Pleno da Deputación Provincial de Ourense, na sesión do 25 de outubro de 2024, aprobou inicialmente a modificación da Ordenanza fiscal reguladora da taxa provincial pola prestación do servizo intermunicipal delegado de recollida, transporte e tratamento de residuos de competencia local.

Unha vez sometida a información pública, mediante o anuncio que se inseriu no BOP núm. 210, do 29 de outubro de 2024, durante o prazo de 30 días hábiles, non se formulou alegación ou reclamación ningunha, polo que queda aprobada definitivamente, e publícase a continuación o texto íntegro da dita ordenanza:

Esta modificación entrará en vigor o día 1 de xaneiro de 2025.

Ordenanza fiscal reguladora da taxa provincial pola prestación do servizo intermunicipal delegado de recollida, transporte e tratamento de residuos de competencia local

Capítulo I. Disposicións xerais de ambas as taxas

Artigo 1. Ámbito territorial de aplicación

A Ordenanza fiscal provincial establece o marco normativo e financeiro para a prestación do servizo, substituíndo as ordenanzas de taxas de este servizo existentes nos municipios de Amoeiro, Avión, Baltar, Bande, Beariz, Os Blancos, Boborás, A Bola, O Bolo, Calvos de Randín, Carballeda de Valdeorras, O Carballiño, Castrelo de Miño, Castrelo do Val, Castro Caldelas, Coles, Chandrexá de Queixa, Entrimo, Xinzo de Limia, A Gudiña, O Irixo, Larouco, Lobeira, Lobios, Maceda, Manzanares, A Mezquita, Montederramo, Muíños, Oímbra, Padrenda, O Pereiro de Aguiar, A Peroxa, Petín, Porqueira, A Pobra de Trives, Punxín, Rairiz de Veiga, Ribadavia, San Xoán de Río, Riós, A Rúa, Rubiá, San Amaro, San Cibrao das Viñas, San Cristovo de Cea, Sandiás, Sarreaus, Taboadela, A Teixeira, Toén, Trasmiras, A Veiga, Viana do Bolo, Vilamarín, Vilamartín de Valdeorras, Vilar de Barrio, Vilardevós e Vilariño de Conso.

Artigo 2. Obxecto, fundamento e natureza

A Deputación de Ourense, en réxime de competencia delegada, é agora responsable da ordenación, xestión e planificación do servizo, incluíndo a determinación das condicións do servizo e da planificación de investimentos. Así mesmo, a Deputación de Ourense asume a potestade sancionadora, asegurando o cumprimento da normativa vixente en materia de residuos.

A unificación de competencias tamén implica a imposición e xestión das taxas de residuos nos devanditos municipios, conforme co dispuesto na lexislación de facendas locais, garantindo que os municipios que delegaron o servizo o reciban de forma integral e axustado ás súas necesidades específicas. Esta ordenanza fiscal representa un paso cara unha maior coordinación intermunicipal, co fin de mellorar a eficiencia, reducir custos e asegurar un tratamento responsable dos residuos.



En uso das facultades concedidas polos artigos 133,2 e 142 da Constitución e polo artigo 106 da Lei 7/1985, do 2 de abril, reguladora das bases de réxime local, e de conformidade co disposto nos artigos 15 ao 19 e 20 e ao abeiro do previsto nos artigos 57 e 20.4.s), do Real decreto lexislativo 2/2004, do 5 de marzo, polo que se aproba o Texto refundido da Lei reguladora das facendas locais, e a Lei 7/2022, do 8 de abril, de residuos e solos contaminados para unha economía circular (LRSCEC), a Deputación de Ourense establece a taxa polo servizo de recollida, tratamento e eliminación de residuos de competencia municipal.

Con esta regulación cúmprese coa esixencia legal de establecer unha taxa específica, diferenciada e non deficitaria e que permita implantar sistemas de pago por xeración e que reflicta o custo real, directo ou indirecto, das operacións de recollida, transporte e tratamento dos residuos como establece o artigo 11 da LRSCEC.

Capítulo II. Taxa polo servizo de recollida, transporte e tratamento de residuos domésticos

Artigo 3. Feito imponible

Constitúe o feito imponible desta taxa a prestación do servizo de recollida, transporte e tratamento dos residuos domésticos, así como do resto de actuacións que engloban o concepto de xestión de residuos establecido no artigo 2 da LRSCEC.

Este servizo de recollida transporte e tratamiento de residuos domésticos resulta de recepción obligatoria.

Considéranse residuos domésticos:

- Os residuos perigosos ou non perigosos xerados nos fogares como consecuencia das actividades domésticas.
- Os xerados en servizos e industrias, de composición e cantidades similares aos definidos como domésticos, que non se xerasen como consecuencia da actividade propia do servizo ou industria.

En concreto, inclúense nesta categoría todos aqueles residuos definidos como domésticos no artigo 2 da LRSCEC.

A prestación do servizo a cada vivenda, local ou establecemento, constitúe un feito imponible diferenciado, polo que dá lugar ao pagamento da taxa correspondente, mesmo nos supostos en que varias vivendas, locais ou establecementos pertenezan a un mesmo suxeito pasivo.

Artigo 4. Exencións

Estarán exentos do pago da taxa de xestión de residuos os inmobilés nos que concorra calquera das seguintes circunstancias de feito:

- Estar en estado de ruína oficialmente declarado polo concello, de conformidade coa legislación urbanística vixente. A declaración de non suxección e correspondente baixa no padrón será producida de oficio pola Administración Tributaria, unha vez comunicada polo concello a correspondente declaración de ruína.



2. Tratarse dunha vivenda en situación de inhabitabilidade. Esta exención será tramitada a instancia de parte. Para que se recoñeza a exención fiscal, os titulares dos inmobilés deberán presentar ante a Deputación de Ourense a seguinte documentación:

a) Informe técnico de inhabitabilidade, emitido por un/unha técnico/a competente, que acredite o estado do inmoble conforme cos estándares legais e normativos de habitabilidade.

b) Solicitud formal de exención, que deberá incluir os datos de identificación do inmoble, referencia catastral e calquera outra información requirida pola autoridade competente.

A exención terá efectos a partir do exercicio fiscal seguinte á data de presentación da solicitude, unha vez aprobada a exención por parte da Deputación de Ourense. Esta exención manterase mentres persista a situación de inhabitabilidade acreditada, sendo obrigación do titular do inmoble de comunicar calquera variación sobre as circunstancias que motivaron a concesión da exención.

Non poderán acollerse a esta exención os inmobilés que, aínda estando declarados inhabitables, se utilicen con fins comerciais, industriais, agrícolas, ou calquera outro uso distinto ao de vivenda.

A Deputación de Ourense resérvase o dereito de inspeccionar o inmoble exento en calquera momento para verificar a continuidade da situación de inhabitabilidade. No caso de que se constate a habitabilidade ou utilización do inmoble, procederase á revogación inmediata da exención e á cobranza retroactiva da taxa correspondente.

Artigo 5. Suxetos pasivos

1. Son suxeitos pasivos contribuíntes as persoas físicas ou xurídicas e as entidades ás que se refire o artigo 35.4 da Lei 58/2003, do 17 de decembro, xeral tributaria, que ocupen ou utilicen as vivendas, locais ou establecementos beneficiarios do servizo de recollida de residuos domésticos de recepción obligatoria ao que se refire o artigo 3, feito impoñible, ben sexa a título de propietario, usufrutuario, arrendatario, ou mesmo precario.

2. Terá a consideración de suxeito pasivo substituto do contribuínte o propietario das vivendas, locais ou soares, quen poderá repercutir, no seu caso, as cotas satisfeitas sobre os usuarios, que son os beneficiarios do servizo, tal e como dispón o artigo 23.2 do TRLRHL.

Artigo 6. Cota tributaria e reducións da cota

Características da cota tributaria

A cota tributaria consistirá nunha cantidade anual que será o resultado do sumatorio dunha cota fixa e da aplicación, no seu caso, das reducións establecidas neste artigo. A cota fixa consistirá nunha cantidade por unidade de local, que se determinará en función da natureza e destino dos inmobilés, con carácter anual. Aplicarase, de carácter xeral, unha cota a vivendas de 79,93 € ao ano e unha cota a locais industriais con xeración de residuos domésticos de 79,93 € ao ano. A liquidación da cota realizarase con carácter trimestral de conformidade co disposto no artigos 10 e 12 desta ordenanza fiscal.

Enténdese como vivenda un edificio ou parte dun edificio de carácter privativo e con destino a residencia e habitación das persoas. Enténdense locais industriais con xeración de residuos domésticos aqueles que xeran residuos de composición e cantidades similares aos definidos como domésticos, que non se xerasen como consecuencia da actividade propia do servizo ou industria.



Non fai referencia, en ningún caso, ao residuo derivado da actividade industrial que non é competencia das entidades locais (artigo 12.5 Lei 7/2022), senón derivado da parte asimilable á doméstica como consecuencia de restos de limpeza dos locais que non inclúan restos e rexeitamentos de producción, e as que causen os traballadores no uso das instalacións.

Reducións da cota en vivendas

Co fin de axustar a repercusión dos custos do servizo de recollida de residuos en función da intensidade de xeración e do custo efectivo que soporta a Deputación de Ourense, aplicaranse unha serie de reducións sobre a cota tributaria en determinados supostos. Estas reducións están deseñadas para reflectir tanto o menor custo do servizo en situacións específicas, como para incentivar comportamentos que favorezan a correcta xestión e segregación dos residuos en orixe. As reducións aplicables, que serán compatibles entre si e por tanto acumulables, concederanse exclusivamente a vivendas e fundaméntanse nos seguintes supostos:

1. Redución por realización de compostaxe:

As vivendas que realicen compostaxe doméstica de maneira adecuada, ou no seu caso estean adheridas a un programa de compostaxe comunitario, terán dereito a unha redución do 30% na cota. Esta redución poderá solicitarse mediante a acreditación por parte do suxeito pasivo, quen deberá demostrar a realización da compostaxe, segundo o establecido na Ordenanza reguladora do servizo, e logo de comprobación técnica por parte da Deputación, que verificará condicións como a achega de material orgánico, a humidade e a temperatura e, no seu caso, o número de aportes anuais ao composteiro comunitario.

A redución tamén poderá ser aplicada de oficio se a Deputación de Ourense dispón de información suficiente para verificar a correcta compostaxe. A Deputación resérvase o dereito para realizar inspeccións anuais para asegurar a continuidade das prácticas de compostaxe. No caso de que non permita realizar a inspección ou os resultados desta sexan negativos, perderase o dereito á redución.

2. Redución por depósito de residuos en punto limpo:

A cota tributaria reducirase nun 10% para as vivendas cujos suxeitos pasivos realizasen polo menos dous entregas nun punto limpo (fixo ou móbil) durante o exercicio anual anterior. O suxeito pasivo poderá solicitar a redución mediante a acreditación documental, presentando xustificantes emitidos polo punto limpo que especifiquen as datas e os tipos de residuos depositados. A Deputación de Ourense tamén poderá aplicar esta redución de oficio, sempre que dispoña dos datos necesarios para acreditar o cumprimento dos requisitos.

A solicitude, xunto coa documentación que acredite o cumprimento dos requisitos para gozar destas reducións deberá ser presentada antes do 1 de marzo do ano correspondente ao pagamento da taxa.

Cotas tributarias aplicables

A cota tributaria da taxa pola prestación do servizo público de recepción obligatoria de recollida, transporte e tratamento dos residuos de competencia local consistirá nunha cantidade anual, que resultará de aplicar a cota xeral correspondente a cada tipo de inmóvel, axustada en función das reducións aplicables ás vivendas, conforme os criterios descritos anteriormente.



Descripción	Cota tributaria
Locais industriais con xeración de residuos domésticos	79,93 €
Vivendas xeral	79,93 €
Vivendas xeral con compostaxe doméstica / comunitaria	55,95 €
Vivendas xeral con uso do punto limpo	71,94 €
Vivendas xeral con compostaxe e uso do punto limpo	47,96 €

No caso de que nunha mesma entidade rexistral dunha leira coincidan unha cota por actividade económica e unha cota por vivenda, aplicarase unicamente a cota de maior importe, sempre que ambas correspondan ao mesmo suxeito pasivo. O suxeito pasivo deberá comunicar esta situación a través do modelo de solicitude correspondente e presentala en calquera rexistro das administracións públicas de forma física ou telemática antes do 1 de marzo do ano en curso, e a declaración será válida ata que o suxeito pasivo comunique o contrario.

Se a actividade económica se desenvolve nun establecemento aberto ao público con acceso directo á vía pública, corresponderá tributar polas dúas cotas xerais, tanto a doméstica como a comercial, de maneira simultánea.

Cando varios predios rexistrais ou catastrais se unifiquen fisicamente para constituir un único inmóvel ou destino, a cota tributaria aplicarase como se se tratase dun só inmóvel, considerando o total da superficie e actividade resultantes.

Capítulo III. Taxa polo servizo de recollida, transporte e tratamento de residuos comerciais

Artigo 7. Feito imponible

Son servizos municipais complementarios, susceptibles de ser prestados polo sector privado – autorizado para a prestación do servizo, nos termos que recolle a normativa vixente en materia de residuos–, a recollida, transporte e tratamento dos residuos comerciais.

Constitúe o feito imponible da taxa polo servizo de xestión de residuos comerciais, a prestación dos servizos de recollida, transporte e tratamento de residuos comerciais non perigosos, así como do resto de actuacións que engloban o concepto de xestión de residuos segundo o artigo 2 da LRSCEC. Para estes efectos, terán a consideración de residuos comerciais os xerados pola actividade propia do comercio, polo miúdo e por xunto, dos servizos de restauración e bares, das oficinas e os mercados, así como do resto do sector servizos.

Artigo 8. Suxeitos pasivos

1. Son suxeitos pasivos contribuíntes desta taxa as persoas físicas ou xurídicas e as entidades ás que se refire o artigo 35.4 da Lei xeral tributaria que:



Soliciten a prestación do servizo.

Resulten especialmente beneficiadas ou afectadas pola prestación do servizo.

2. Os titulares de actividades que xeren residuos comerciais e desexen utilizar un sistema de xestión de residuos distinto ao establecido pola Deputación de Ourense, están obrigados a acreditar que teñen contratado un servizo cun xestor autorizado para a xestión de todos os residuos que xere a súa actividade.

A acreditación deberá ser completa, abarcando a totalidade dos residuos producidos, e xestionada por un xestor debidamente autorizado para estes fins. A documentación mínima que se deberá presentar para xustificar esta acreditación será a seguinte:

- Contrato asinado coa empresa xestora de residuos, que inclúa unha frecuencia de recollida mínima dunha vez por semana para residuos orgánicos ou envases alimentarios. Sempre que o produtor xere este tipo de residuos. En caso de non xerar residuos orgánicos ou envases alimentarios, o produtor deberá acreditalo documentalmente, e non estará obrigado a cumplir esta frecuencia mínima.

- Tres últimas facturas emitidas polo xestor autorizado, que acrediten a vixencia do contrato e a correcta prestación do servizo.

A solicitude de acreditación deberá presentarse dentro dos seguintes prazos:

- Se a actividade xa se estaba realizando con anterioridade á entrada en vigor desta ordenanza: no prazo dun mes desde a súa entrada en vigor.

- Se a actividade xeradora de residuos se inicia con posterioridade á entrada en vigor: no prazo dun mes desde o inicio da actividade.

No caso de que o titular da actividade non acredite o cumprimento do disposto no apartado anterior no prazo indicado, a Deputación de Ourense considerará que este titular queda automaticamente adherido ao sistema de recollida, transporte e tratamento de residuos comerciais establecido pola corporación, polo que será considerado suxeito pasivo da taxa regulada nesta ordenanza.

Considerarase suxeito pasivo substituto do contribuínte ao propietario dos locais onde se sitúe a actividade xeradora de residuos, de acordo co que recolle o artigo 23.2 do Texto refundido da Lei reguladora das facendas locais (TRLRHL). O propietario terá dereito a repercutir as cotas satisfeitas sobre os usuarios ou arrendatarios, que serán os beneficiarios do servizo.

Artigo 9. Cota tributaria e reducións da cota

A) Inmóbiles con recollida en contenedores colectivos

A cota para os locais comerciais cuxa recollida se realice a través de contenedores colectivos estará determinada pola natureza e o destino dos inmóbiles, atendendo á capacidade estimada de producción de residuos comerciais e a súa repercusión nos custos do servizo, segundo a tipoloxía da actividade e a superficie do inmoble.





Tipoloxía	Rango de superficie	Cota anual
Establecementos de alimentación: (carnicerías, froiterías, peixerías, etcétera), florarías, mercados, hipermercados e supermercados.	Menos de 100 m ²	159,85 €
	Entre 100 e 300 m ²	479,55 €
	Máis de 300 m ²	1.918,22 €
Establecementos de aloxamento: Hoteis, hostais, apartamentos, aparta-hoteis	Menos de 500 m ²	192,54 €
	Entre 500 e 1.000 m ²	385,07 €
	Máis de 1.000 m ²	1.155,22 €
	Menos de 2.500 m ²	181,52 €
Campamentos turísticos (cámpings)	Entre 2.500 e 5.000 m ²	363,04 €
	Máis de 5.000 m ²	750,29 €
Restaurantes e bares con cociña ou establecementos con cociña, cantina ou comedor	Menos de 100 m ²	264,44 €
	Entre 100 e 300 m ²	793,31 €
	Máis de 300 m ²	2.115,49 €
Bares sen cociña, cafeterías e salóns de festa, discotecas e pubs	Menos de 100 m ²	117,60 €
	Entre 100 e 300 m ²	352,80 €
	Máis de 300 m ²	940,80 €
Comercio polo miúdo e por xunto de produtos non perecedoiros	Menos de 100 m ²	85,42 €
	Entre 100 e 300 m ²	256,27 €
	Máis de 300 m ²	683,38 €
Centros docentes sen servizo de comedor	Fixo	98,53 €
Centros de ensino con servizo comedor	Menos de 2.500 m ²	1.512,70 €
	Entre 2.500 e 5.000 m ²	3.025,39 €
	Máis de 5.000 m ²	6.252,48 €





Oficinas, despachos e servizos profesionais	Menos de 100 m ²	67,90 €
	Entre 100 e 300 m ²	203,70 €
	Máis de 300 m ²	543,21 €
Cines, teatros, bibliotecas e museos	Fixo	120,29 €
Cemiterios e igrexas e templos con cemiterios.	Menos de 500 m ²	47,33 €
	Entre 500 e 1000 m ²	276,10 €
	Máis de 1.000 m ²	473,31 €
Hospitais, residencias e centros médicos con aloxamento ou cociña	Menos de 2.500 m ²	1.319,39 €
	Entre 2.500 e 5.000 m ²	2.638,77 €
	Máis de 5.000 m ²	5.453,47 €
Centros de atención médica e similares sen aloxamento e sen cociña	Fixo	183,62 €
Instalacións deportivas (excluíndo servizo de bar ou cafetería)	Fixo	145,08 €
Almacéns e comerciantes por xunto e outros locais non recollidos expresamente nos apartados anteriores	Menos de 500 m ²	77,45 €
	Entre 500 e 1000 m ²	154,91 €
	Máis de 1.000 m ²	464,72 €

B) Inmobilés con recollida en contedores de uso exclusivo para a fracción resto

Os locais comerciais que dispoñan de contedores de uso exclusivo para a fracción resto estarán suxeitos a unha cota baseada no número de contedores, o volume destes e a localización do local comercial.

Os locais situados en entidades singulares de poboación superior a 1.500 habitantes terán unha cota anual por contedor diferente daqueles localizados en entidades singulares de menos de 1.500 habitantes, núcleos de poboación ou diseminados, de acordo coa clasificación do Instituto Nacional de Estatística (INE). Como referencia, utilizarase a poboación rexistrada no padrón continuo do 1 de xaneiro do ano anterior, facilitada polo INE.





Tipo de entidade singular onde se localiza o local comercial	Volume de contedor dispoñible (litros)	Cota anual por contedor
Diseminado, núcleo de poboación ou entidades singulares con poboación inferior a 1.500 habitantes	120	77,77 €
	360	219,11 €
	800	474,29 €
Entidades singulares con poboación igual ou de máis de 1.500 habitantes	120	118,75 €
	360	342,06 €
	800	747,51 €

A Deputación de Ourense, conforme cos principios de proporcionalidade e eficiencia do servizo, e en virtude do principio de quen contamina, paga, poderá obrigar a aqueles produtores cuxos residuos xerados excedan as cantidades teóricas máximas previstas para a súa actividade, consonte ao anexo I, a adherirse ao réxime de contedores de uso exclusivo. Esta medida tomarase tras a comprobación mediante expediente administrativo, e a cota establecerase en función do número e volume dos contedores determinados como necesarios. A resolución seralle notificada ao interesa-do e entrará en vigor a partir da data de emisión do acto administrativo correspondente.

A modalidade de recollida mediante contedores de uso exclusivo poderá ser solicitada polo suxeito pasivo, quen deberá indicar o número de contedores e o volume de cada un, en función da estimación de residuos xerados pola súa actividade. A solicitude deberá realizarse mediante o modelo correspondente e presentarse en calquera das formas recollidas no artigo 16.4 da Lei 39/2015, do 1 de outubro, do procedemento administrativo común das administracións públicas.

O mesmo procedemento será utilizado para solicitar unha modificación do número e/ou volume dos contedores asignados previamente. A Administración Tributaria avaliará a solicitude a través da tramitación dun expediente contraditorio, comprobando a realidade da producción de residuos do local ou establecemento. Na resolución que estableza a aplicación deste réxime especial, determinarase o número e volume de contedores de uso exclusivo que deberá empregar o local ou establecemento, de acordo coa producción de residuos acreditada no expediente.

A aplicación deste réxime poderá ser revisada a instancia de parte. As resolucións relativas á aplicación do réxime especial de cotas, así como as súas revisións ou modificacións posteriores, terán efectos no período impositivo seguinte a partir da data de emisión do acto administrativo correspondente.



Reducións da cota

Co fin de fomentar a separación en orixe e a recollida selectiva da fracción orgánica de calidade (FORM), aplicarase unha redución do 20% sobre a cota trimestral para aqueles locais comerciais que realicen unha recollida selectiva adecuada da fracción orgánica e se adhiran á recollida específica de grandes produtores de biorresiduos que se estableza. Esta redución será aplicable tanto para inmobles con recollida en contedores colectivos como naqueles con recollida en contedores de uso exclusivo.

A redución poderá ser aplicada a solicitude do suxeito pasivo a través do modelo de solicitude correspondente e presentada en calquera das formas recollidas no artigo 16.4 da Lei 39/2015, do 1 de outubro, do procedemento administrativo común das administracións públicas, logo de comprobación polos servizos técnicos da Deputación das adecuadas condicións da separación en orixe de FORM en calidade e cantidade. En caso de non dispoñer do servizo de recollida da FORM comercial, o suxeito pasivo deberá solicitarlo previamente á Deputación.

Así mesmo, a Deputación poderá aplicar esta redución de oficio, sempre que dispoña de información suficiente para acreditar a adecuada separación. A Deputación poderá realizar inspeccións anuais para verificar a continuidade da correcta separación e recollida selectiva da fracción orgánica. No caso de que as inspeccións non se puideran levar a cabo por causa do interesado ou ben o resultado da inspección sexa negativo, a redución de cota non será aplicable.

Capítulo IV. Disposicións comúns de ambas as taxas

Artigo 10. Normas de xestión, liquidación, inspección e recadación

1. Para os efectos da aplicación da presente ordenanza, a Deputación Provincial de Ourense será a Administración Tributaria coa competencia de xestión tributaria, inspección e recadación.

2. A taxa xestionarase de oficio a Administración Tributaria, a partir dun padrón que se formará anualmente, e aprobarase mediante unha resolución da Presidencia.

3. O padrón será obxecto de publicación no Boletín Oficial da Provincia e no taboleiro de edictos dos concellos, ademais de na páxina web da Deputación Provincial de Ourense. As modificacións, altas e baixas que se produzan ao longo do exercicio tributario incorporaranse ao padrón mediante unha resolución da Presidencia, que será obxecto de notificación individualizada ás persoas interesadas sen prexuízo da súa publicación.

4. As modificacións, altas e baixas individuais no padrón levaranse a cabo de oficio ou a instancia das persoas interesadas, cando se modifiquen os supostos de feito que determinan a inclusión no padrón, e terán efectos a partir da data da súa aprobación, ou, se é o caso, a partir da data na que a Administración tivo coñecemento da circunstancia que motiva a modificación, suposto no que se indicará na resolución correspondente a data de efectos a mesma.

En todo caso, as persoas interesadas terán a obrigación de comunicarlle á Administración calquera feito con transcendencia tributaria susceptible de modificar os datos do padrón, sen que sexan admisibles as reclamacións pola falta de modificación dos padróns cando esta teña como causa o incumprimento pola persoa interesada da súa obrigación de comunicar os cambios producidos e, en todo caso, cando estes non fosen coñecidos pola Administración Tributaria.



5. A liquidación da taxa realizarase trimestralmente, mediante a emisión dos recibos correspondentes, que lles serán comunicados ás persoas interesadas para os efectos puramente informativos. A comunicación dos recibos non terá o carácter de notificación da liquidación tributaria, que se entenderá realizada mediante a publicación do padrón correspondente ou mediante a notificación dos actos de modificación puntual do devandito padrón. Nos supostos en que o suxeito pasivo contribuínte da taxa non sexa o titular do inmoble ao que se presta servizo, a liquidación realizaráselle directamente aos ocupantes ou usuarios, sen que teña lugar a substitución do contribuínte, sempre que concorran os seguintes requisitos:

a) Que sexa solicitada conxuntamente polo propietario e o ocupante ou usuario, achegando o título xurídico que lexitima o uso ou ocupación.

b) Que o sistema de pago sexa a domiciliación bancaria dos recibos.

En ausencia destes requisitos, ou cando deixen de producirse, a liquidación realizaráselle ao propietario, na súa condición de substituto do contribuínte. En particular, nos supostos de non pago en período voluntario polo contribuínte, a Administración Tributaria poderá modificar o padrón correspondente,

6. No non establecido nesta ordenanza, a inspección e recadación da taxa rexerase polo determinado na lexislación tributaria vixente que resulte de aplicación.

Artigo 11. Responsables e sucesores

1. Responderán solidariamente das obrigas tributarias do suxeito pasivo as persoas físicas ou xurídicas ás que se refire o artigo 42 da Lei xeral tributaria.

2. Serán responsables subsidiarios as persoas e entidades ás que se refire o artigo 43 da Lei xeral tributaria nos supostos e co alcance sinalados en dito precepto.

3. A derivación de responsabilidade requirirá que, trala audiencia previa da persoa interesada, se dite o correspondente acto administrativo, nos termos que recolle a Lei xeral tributaria.

4. As obrigacións tributarias pendentes esixiránse os sucesores das persoas físicas, xurídicas e entidades sen personalidade, nos termos que recolle a Lei xeral tributaria e a Ordenanza xeral.

Artigo 12. Devindicación, período impositivo e pagamento

1. A taxa devindicarase no momento no que se inicie a prestación do servizo. Cando a taxa se devindeque con carácter anual, terá lugar o 1 de xaneiro de cada ano, e o período impositivo comprenderá o ano natural. Non obstante, nos supostos de inicio ou cesamento na prestación do servizo con posterioridade a 1 de xaneiro o período impositivo comprenderá o tempo efectivo de prestación de servizo durante o ano natural e a cota farase a pro rata por trimestres naturais completos, computándose como trimestre completo o de inicio ou cese da prestación do servizo.

2. O cobro da taxa será trimestral.

3. Nos supostos en que se produzcan modificacións dos suxeitos pasivos con posterioridade ao 1 de xaneiro de cada exercicio tributario, estas modificacións producirán efecto a partir do trimestre natural seguinte á data de efectividade da modificación.



Disposición adicional

Modificación dos preceptos da ordenanza e das referencias con respecto á normativa vixente, con motivo da promulgación de normas posteriores.

Os preceptos desta ordenanza fiscal que, por razóns sistemáticas reproduzan aspectos da legislación vixente e outras normas de desenvolvemento, e aqueles en os que se realicen remisións a preceptos desta, entenderase que son automaticamente modificados e/ou substituídos, no momento en que se produza a modificación dos preceptos legais e regulamentarios dos que traen causa.

Disposición derradeira

A presente Ordenanza fiscal, entrará en vigor o día 1 de xaneiro de 2025 e rexerá ata a súa modificación ou derogación expresa.

Anexo I

Cantidades teóricas previstas por actividade e rango de superficie

Tipoloxía	Rango de superficie	Cantidades anuais máximas previstas
Establecementos de alimentación (carnicerías, froiterías, peixerías, etcétera), florarías, mercados, hipermercados e supermercados.	Menos de 100 m ²	620 kg/ano
	Entre 100 e 300 m ²	1.860 kg/ano
	Más de 300 m ²	7.450 kg/ano
Establecementos de aloxamento: Hoteis, hostais, apartamentos, aparta-hoteis	Menos de 500 m ²	750 kg/ano
	Entre 500 e 1.000 m ²	1.500 kg/ano
	Más de 1.000 m ²	4.490 kg/ano
Campamentos turísticos (cámpings)	Menos de 2.500 m ²	700 kg/ano
	Entre 2.500 m ² e 5.000 m ²	1.410 kg/ano
	Más de 5.000 m ²	2.910 kg/ano
Restaurantes e bares con cociña ou establecementos con cociña, cantina ou comedor	Menos de 100 m ²	1.030 kg/ano
	Entre 100 e 300 m ²	3.080 kg/ano
	Más de 300 m ²	8.210 kg/ano





Bares sen cociña, cafeterías e salóns de festa, discotecas e pubs	Menos de 100 m ²	460 kg/ano
	Entre 100 e 300 m ²	1.370 kg/ano
	Máis de 300 m ²	3.650 kg/ano
Comercio polo miúdo e por xunto de produtos non perecedoiros	Menos de 100 m ²	330 kg/ano
	Entre 100 e 300 m ²	1.000 kg/ano
	Máis de 300 m ²	2.650 kg/ano
Centros de ensino sen servizo de comedor	Fixo	380 kg/ano
Centros de ensino con servizo de comedor	Menos de 2.500 m ²	5.870 kg/ano
	Entre 2.500 m ² e 5.000 m ²	11.750 kg/ano
	Máis de 5.000 m ²	24.280 kg/ano
Oficinas, despachos e servizos profesionais	Menos de 100 m ²	260 kg/ano
	Entre 100 e 300 m ²	790 kg/ano
	Máis de 300 m ²	2.110 kg/ano
Cines, teatros, bibliotecas e museos	Fixo	470 kg/ano
Cemiterios e igrexas e templos con cemiterios.	Menos de 500 m ²	180 kg/ano
	Entre 500 e 1000 m ²	1.070 kg/ano
	Máis de 1.000 m ²	1.840 kg/ano
Hospitais, residencias e centros médicos con aloxamento ou cociña	Menos de 2.500 m ²	5.120 kg/ano
	Entre 2.500 m ² e 5.000 m ²	10.250 kg/ano
	Máis de 5.000 m ²	21.180 kg/ano
Centros de atención médica e similares sen aloxamento e sen cociña	Fixo	710 kg/ano
Instalacións deportivas (excluíndo servizo de bar ou cafetería)	Fixo	560 kg/ano
Almacéns e comerciantes por xunto e outros locais non recollidos expresamente nos apartados anteriores	Menos de 500 m ²	300 kg/ano
	Entre 500 e 1000 m ²	600 kg/ano
	Máis de 1.000 m ²	1.800 kg/ano

Ourense, 16 de decembro de 2024. O presidente.

Asdo.: Luis Menor Pérez.

R. 3.629

